



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 483. Usque Ad Annum 561.

Fleury, Claude

August. Vind. [u.a.], 1759

VD18 90117824

§. 18. Aratoris Poëma.

[urn:nbn:de:hbz:466:1-66066](https://nbn-resolving.org/urn:nbn:de:hbz:466:1-66066)

Sæculum VI. gem operam conferat. Tandem usum
A. C. 544. Pallii, quemadmodum Symmachus Papa
 Antecessori ejus concesserat, indulget.
 Simul ad Episcopos Galliaë Childeberto
 Regi subjectos, & ad illos, qui Episco-
 pos Arelatenses pro consuetudine ordi-
 nabant, Epistolas dedit, exhortans, ut
 Auxanium Vicarium suum recipiant, ei
 obediant, & ab eo litteras formatas, iter
 longius suscepturi, acciperent. Hæ duæ
 Epistolæ 22. Maji anno 545. datæ. Au-
 xanius haud diu postea decessit, & Aure-
 liano in Episcopum Arelatensem ordina-
 to Vigilus Papa ad Regis Childeberti
 testimonium, & cum Imperatoris consen-
 su eandem Potestatem iisdem conditioni-
 bus tribuit. Id ex Epistolis Papæ ad ipsum
 & Episcopos Galliaë 23. Aug. anno sequen-
 te 546. datis liquet.

§. XVIII.

Aratoris Poëma.

*Insc. in fin.
 to. 8. bibl.
 PP. p. 700.*

Vigilio Papæ Arator suum Poëma de
 Actis Apostolorum Versibus Hexame-
 tris concinnatum & in duos Libros divi-
 sum obtulit. Arator olim Comes Do-
 mesticorum, seu Prætorianorum Centu-
 rio, & Comes Rerum privatarum id est
 prædiis Imperatoris Præfectus, relicto
 Mundo tunc Ecclesiæ Romanæ Subdiaco-
 nus erat. Poëma istud Vigilio Papæ
 sexta Aprilis, tertio post Basilii Consula-
 tum

tum anno, Indictione septima, id est, an- Sæculum VI.
A. C. 544.
no 544. in Presbyterio ante Confessionem
S. Petri, nempe, in Sanctuario Ecclesiæ
Vaticani, præsentem Clericorum Romano-
rum majore Parte tradidit. Papa, cum
statim aliquam Versuum partem legi jus-
sisset, hoc opus Surgentio Notariorum
Primicerio in Tabularium Ecclesiæ depo-
nendum dedit. Verum omnes, quot-
quot erant Romæ, litterarum amantes
Papam rogarunt, ut illud publice reci-
tari præciperet. Mandavit, ut hæc Le-
ctio in Ecclesia S. Petri ad vincula fieret.
Tunc igitur maxima multitudine Eccle-
siasticorum, Laicorum, Nobilium & Po-
puli confluente, ipse Arator Carmen
suum quatuor diebus recitavit, quippe
Auditores hac Lectione adeo capiebantur,
ut eosdem Versus repetere sæpius
cogeretur. Hinc singulis diebus non
ultra mediam operis partem legere po-
tuit. Hic videmus vestigia veteris illius
Romanorum moris sub primis Imperato-
ribus, ut Scriptores præsertim Poëtæ in-
genii sui monumenta publice recita-
rent.

§. XIX.

S. Cerbo.

Sub idem tempus Totila Urbi obsidio- Procop. III.
Goth. c. 9.
nem minitante, quam etiam postea
molitus est, qui intus copiis præerant,
omnes